

erat, revertebatur. Quod omnino contemptum magistratus prae se ferebat, poenisque coercendum gravioribus erat. Multa namque cum *καὶ ἀπὸ τοῦ*, & impudentia profitebatur, nec mitaturum se sententiam, nec territorium illud elevatum, tum propter liberos & uxorem, tum quia recitare ea verba amplius non posset, fiat voluntas tua. Ita Ottrius, in Ann. Anab. p. 221.

§ XXVI. M. STEPHANVS GRVNIUS in urbe & Ecclesia Wormatiensi, munere sacro defunctus est. Suspectus de Weigelianismo, comite Senatore primario, Gießam abire debuit, ibique cum Theologis sententias suas conferre. Factum id est, per triduum, & eo quidem cum successu, ut Grunius, Wormatiam redux, solenniter retractaret. Sed non multo post, ad vomitum rediit, magnasque dedit turbas, dum devolutus ab officio, aedibus, quas dicunt, parochialibus, cedere nollet. Totam illam Historiam literis ad Balthasarem Meisnerum, Anno cl. l. c. XXIV. d. VI. Aug. datis, complexus est Balthas. Menzerus. Non ingratum erit literas Menzeri hic apponere, quas pro suo in rem literariam affectu, benevole nobiscum communicavit, Vir omni encomio maior, Celeberrimus Dn. D. WERNSDORFIUS.

Salutem & Officia.

Reverende admodum, clarissime spectatissimeque Dn. D. Fautor, Compater & in Christo Frater plurimum honorande.

M. Stephanus Grunius Weigelianus turbaverat ecclesiam Wormatiensem: mittebatur ante annum ad nos Gießam, comite senatore primario, ubi instituta totius tridui collatione tantum, Deo largiente, proficiebat, ut reversus domum solenniter revocaret. Nunc, ut canis rediit ad vomitum. Removetur ab officio decreto senatus. Recusat ex aedibus parochialibus discedere, provocans ad commissionem a Caesare impetratam. Senatus minis illis terretur. Executio suspenditur. Symmystae a nobis petunt consilium, si forte a senatu Grunius recipiatur, quid sibi agendum. Ereximus nostros amicos petentes, ne in officio suo fideliter faciendo segniter evadant. Patronorum favore fretus Grunius detrectat obedientiam praestare senatui. Multorum animi suspensi expectant causae exitum. In vicinia illa Weigeliani plures exemplo hoc successum suum

sestis